

Ajunaarnersuaqarneranut atatillugu aningaasaateqarfimmut qinnuteqarnissamut ilitsersuut

Ataatsimut isigalugu

Ajunaarnersuaqarneranut atatillugu aningaasaateqarfiup siunertaraa, nunarsuarmi silap pissusaata allanngorarnera pissutigalugu aalisartut, piniartut kiisalu nunalerinermik inuussutissarsiuteqartut piffissami sivikitsumi imaluunniit annertuumik isertitaqarnissaminut periarfissaaruttunut ikiuigasuarmissaq.

Ajunaarnersuarmut assingusumik pisoqassapat ima paasineqassaaq pissutsit tassanngaannaq pisut, kiisalu siumut oqaatigineqareersinnaanngitsumik annertuumik sunniuteqartussamik pisussaassallutik. (ajutoornerit). Naalackersuisut kisimiillutik Aningaasanut Akileraartarnermullu Ataatsimiititaliaq akuersitillugu, pisoq ajunaarnersuartut isigineqassanersoq, aalajagersinnaavaat. kiisalu qaqugukkut tapiissutinik tunniussisoqarsinnaanersoq. Ajunaarnersuartut pisumi immikkut tusagassiuutinut nalunaaruteqarnermi takuneqarsinnaassaaq suut pineqarnersut aamma kikkut aningaasaliiffigineqarnissamik qinnuteqarsinnaanersut.

Ajunaarnersuaqarneranut atatillugu aningaasaateqarfimmit aningaasaliisoqarneratigut pisuni immikkut illuinnartumik allani malittarisassaqaartinneqariinngitsuni taamaallaat tunniussisoqarsinnaavoq. Innuttaasunut inuussutissarsiummut atatillugu nalinginnaasut aallaavigalugit sillimatinik nalinginnaasutut isigisariaqartunik pisinermikkut annaasaqarnerminnik pinngitsoortitsisimasinnaagaluartunik taamaaliorsimangitsunullu tapiissuteqartoqarsinnaassanngilaq.

Aalajangersimasumik, inuit ataasiakkaarlutik qinnuteqarnerisigut tapiissuteqartoqartassaaq.

Piumasaqaatit

Ajunaarnersuaqarneranut atatillugu aningaasaateqarfimmit tapiisoqartarsinnaavoq ima pisoqartillugu:

1. Ajunaarnersuaqarneranut atasumik inuussutissarsiornermi isertitassatit annaagukkit.
2. Naalackersuisut kisimik Aningaasaqarnermut Akileraartarnermullu ataatsimiititaliap akuersineratigut, tusagassiuutit aqutugalugit nalunaarutigisinnaavaat, ajunaarnersuarmut assigusumik pisoqarsimasoq.
3. Aalisartuussaait, piniartuullutit, imaluunniit nunalerinermik inuussutissarsiuteqarlutit.
4. Inuussutissarsiutigalugu suliffigisat ajunaarnersuarmik pisoqarfimmiissalluni.
5. Sillimmasiisarfiivit tamanna matussusersinnaanngippagu.
6. Allatigut kommunini aamma Namminersorlutik oqartussani tapiissarnerit allat periarfissiinngippata.

Sulinermi isertitassanik annaasanik aamma isertitassaagaluani annaasaqarnermi inuussutissarsiornermi sumiiffinni ajunaarnersuartut ittunik naalaatsiffiusuni tapiiffigineqarnissamut qinnuteqartoqarsinnaavoq.

Akigititat

Aningaasaateqarfik 1 mio. kr-nik imaqarpoq taakkualu ajunaarnersuaqartillugu kiisalu aningaasaateqarfiup imaarunnissaata tungaanut ingerlaavartunik agguaanneqartassapput.

Tapiissutit annertussusissaat, Inuttut qinnuteqaatit aamma pisut ataasiakkaat aallaavigalugit aalajangerneqartassaaq.

Qinnuteqarneq

Ajunaarnersuarmut atatillugu qinnuteqaasiussaguit, qinnuteqarnissamut immersugassaq immersussuat, Qinnuteqaat esu@nanog.gl, Piniarnermut Aalisarnermullu Naalakkersuisoqarfimmut ESU-p immikkoortortaqaarfianut nassiunneqassaaq.

Qinnuteqarnermi immersugassaq sumiiffigisanni sullissivimmi pisinnaavat, aamma Aalisarnermut Piniarnermullu Naalakkersuisoqarfimmi imaluunniit Savaatillit Peqatigiit Suleqatigiissuni (SPS) siunnersorteqarfianni pissarsiarisinnaavat.

Maalaaruteqarneq

Inuussutissarsiummut tapiissutisinissamik qinnuteqaatit itigartinneqarsimappat naammagittaalliuuteqarsinnaavutit:

Isumaqaruut kukkusumik tunngaveqarluni itigartitsisoqarsimasoq
Isumaqaruut paasissutissanik nutaanik qinnuteqaatinnut tunngasunik pisoqarsimasoq

Itigartinneqarnerpit kingorna ullut 14-it qaangiutsinnagit allakkatigut naammagittaalliuuteqassaatit.
Naammagittaalliuut Aalisarnermut, Piniarnermut Nunalerinermullu Naalakkersuisoqarfimmut nassiunneqassaaq

Naammagittaalliuutinni tunngavilersuinissat eqqaamassavat.

Naammagittaalliuutit suliarineqareerpat akissutisissaatit.

Naammagittaalliuutinnut Naalakkersuisoqarfiup aalajangiinera naammaginngikkukku suliaq Ombudsmandimut saqqummiussinnaavat.

Ilanngussaq: qinnuteqarfissaq